



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

De errore catabaptistarum in negocio reddituum

urn:nbn:de:hbz:466:1-35433

illis. Si qui fuerint qui hisce meis simplicibus & can*didis* abusi fuerint, deo fraudis suæ redditum rationem.

DE ERRORE CATABAPTIST^A
rum in negotio redditum.

QUAM de redditibus catabaptistæ loquuntur, prima fronte nihil tumultus præ se ferre uidetur, quod si penitus introspexeris, dolum facile senties. Quum enim simpliciter dicunt: Nullus Christianus redditus accipit, non tam durum est, quam hoc quod mox inferunt, nempe: Si nullus Christianus redditum accipit, profecto nefas ingens est accipere redditus. Iam ex hoc aliud colligitur. Nemo Christianorum unquam peccatis cooperabitur. Redditus accipere peccatum est: ergo nemo Christianorum redditus dabit. Ex quo iam consequitur Christianos redditus non debere. Vides iam quò hæc tandem uergant? nempe ad tumultus & seditiones. Sed nos istis iam dictis illa opponimus. Nullus Christianus alijs sua ui & iniuria retinet aut negat. Hoc fundamento iacto sic colligimus. Quicunq; alijs sua, ui, fraude, aut iniuria retinet aut negat, Christiani nō sunt. Qui redditus aut census domino prædiij aut creditori negat, uim inferūt et iniuria eū afficiūt, Christiani ergo nō sunt. In summa, fides pendūt redditus, ergo catabaptistæ sunt tumultuosi.

Sed de

Sed de iure fortasse loquuntur, nō de debito, nēpe,
An Christianus possit aut debeat accipere redditus, &
non an Christianus dare debeat et soluere redditus. De
his ergo firmamenta eorum audiamus. Sic autem lo-
quuntur Christus Lucæ 6. sic loquitur, Mutuum date
nihil inde sperantes. Nam si mutuum dederitis his à qui=
bus speratis uos recepturos, quæ gratia uobis est? Nam
& peccatores peccatoribus mutuum dant, ut recipi-
ant paria. Quum igitur hoc præceptum sit domini,
Christianus esse non potest, qui pecuniam suam alte-
ri nisi conditione redditus interposita nō dat mutuum.

Præterea in Actis apostolicis legimus fideles in na-
scenti ecclesia ita iunctos fuisse, ut omnia cōmunia ha-
berent. Apostolorū uero et ueterū Christianorū forma
nobis esse debet: cōsequitur ergo fidelem nō esse eum
qui redditus accipit, cuius omnia cæteris cōmunia esse
debēt. Et hæc firmissima sunt quibus nitūtur catabapti-
stæ, nam cætera quæ de fœnore ex scripturis citant,
suo loco uidebimus, ut adpareat nihil esse quæ dicunt
q̄amarulentiam quandam & inuidam loquacitatem.

DE VERBO CHRISTI, MVTVVM date nihil inde sperantes.

Quandoquidem Christianos hoc dicto me-
tiuntur, cogimur paulò diligenter genui-
94